

Was braucht ma auf an Bauerndorf?



1. Was braucht ma auf an Bau-ern-dorf, was braucht ma auf an Dorf? Was
braucht ma auf an Bau-ern-dorf, was braucht ma auf an Dorf? A
Kir-chn, groß und schee, an Pfar-rer o - da zwe*, der's
mit de Lei-tln moant recht guat und was er pre-digt, sel-ba tuat, des
braucht ma auf an Bau-ern-dorf, des braucht ma auf an Dorf!

2. Was braucht ma ...?

A Glockn, de weit klingt, an Chor, der recht schee singt,

an Lehrer, ganz an gscheitn Mann, der selbn guat schreibn und rechnen kann, des ...

3. An Knecht, der net nur schwitzt, wann er beim Essn sitzt,

a Dirn, de zu da Arbat taugt und net sechs Stund in Spiagl schaut, ...

4. An Bäcker, der no bacht und d' Semmeln net z' kloa macht,

a Feuerwehr, de ganz schnell rennt, wann irgendwo a Häusl brennt, ...

5. An Postler, ganz an schnelln, an Maurer mit a Kelln,

a Blasmusi, de recht laut blast, an Polizist, der Räuber fasst, ...

6. A Katz, de fleißig maust, an Wirt, der net abhaust,

und Häuser mit a Kinderschar und jetz is des Register gar, ...

*zwe = zwei

Volkswaise, in verschiedenen Melodie- und Textvarianten
im ganzen Alpenraum bekannt.

Hier wurden einige Strophen ausgewählt und z. T. neu gestaltet.

Das Lied kann evtl. mit Vorsänger (einstimmige Stellen) und Chor gestaltet werden.